

Kalaallit Nunaanni suliffimmut suliffimmiillu ingerlanneqarnermi sulisilluni ajoqusersinnaanermut isumannaarineq pillugu nalunaarut

Inatsimmi nr. 1528, 21. december 2010-eersumi, § 4, imm. 3 naapertorlugu aalajangersarneqarpoq:

§ 1. Aallaakkaasumik utaqqiisaasumillunniit suliffimmut suliffimmiillu ingerlanneqarneq inatsimmi isumannaariffigineqarpoq taamatullu sulisitsisumik sullissineq suliffiullunniit soqutigisaannik aallussineq pillugu ingerlanneqarnermi ajoqusernerit sulisilluni ajoqusernertut akuerineqarsinnaapput. Tamanna pillugu naliliinermi ingerlanneqarnermi piffissap suussusia ingerlassinermiluunniit periaaseq ingerlassinissarlu sioqqullugu piareersaanerit pisariallit ilanngunneqassapput. Taamatutaaq suliap suussusia malillugu suliarinninnermi sunngiffiup suliampilu aallussinerup erseqqissumik immikkoortinneqarmannginnerat naliliinermi ilanngunneqassapput.

Imm. 2. Aalaakkaasumik suliffik tassaavoq nunap ilaani sumiiffik ataaseq sumiiffiillunniit arlallit suliffimmiunnaq tunngassutilik suliap suliarineqarfissaa. Suliffik ataatsimut isigalugu ilanngunneqassapput nunaminertat biilnik qimatsigallartarfiit, suliffiup illutaata kaajaluisai, umiarsualiviup nunaminertartai nunaminertallu allat illup silataaniittut suliffimmut atanilimmik aqqusinertallit, pisuttunut aqqusineerartallit taakkualunniit assigisaat suliffiup pii.

Imm. 3. Utaqqiisaasumik suliffik tassaavoq piffissami aalajangikkami aalaakkaasumik suliffimmut taarsiullugu suliffigiligaq. Suliffimmut imaluunniit suliffiup ingerlanneranut atatillugu suliffiup avataani pikkorissarfik allatullunniit aqqissuussineq utaqqiisaasumik suliffittut naatsorsuutigineqassaaq.

§ 2. Aamma nunami allami suliarortinneqarnernermi suliffimmut suliffimmiillu ingerlanneqarnermut § 1 aamma atuuppoq.

§ 3. Aalaakkaasumik utaqqiisaasumiluunniit suliffimmut suliffimmiillu ingerlanneqarneq § 1 malillugu ilaatigut ima pisoqartillugu suliartut isumannaakkatut naatsorsuunneqassaaq:

- 1) Pineqartup suliffimmut suliffimmiillunniit ingerlanneqarnermini sulisitsisoq suliffiillunniit kiffartuuppagu. Isumannaarinnermi ilanngunneqarput suliffimmut suliffimmiillu ingerlanneqarnermi kiffartuussineq tassungalu atatillugu aqqutinnaatigoornani ingerlanneqarneq tamannalu kiffartuussineq naammassippat imaluunniit aqqutinnaaq atoqqinneqalerput atorunnaassaaq.
- 2) Sulinermi atortut atortullunniit allat pineqartup nassarpagit. Isumannaarinnermi ilanngunneqarput atortut assigisaallu pissutigalugit ajoqusernerit, matumani ilanngullugu atortut assigisaallu pissutaallutik ajoqusersinnaanermit annertunerumik ajoqusernerit.
- 3) Suliartoqquneqarsinnaanerup nalaani pineqartoq sulisitsisumit suliartoqquneqarpat imaluunniit suliffiup soqutigisai pissutigalugit sunngiffimmini suliarortariaqarpat imaluunniit suliffik qimattariaqarpagu. Isumannaarinnermi aamma ilanngunneqarpoq ingerlanneqarnissaq sioqqutitsiarlugu piareersaanerit pisariallit.
- 4) Suliamut imaluunniit suliffiup ingerlanneranut ilaatillugu pineqartoq sulilluni angalappat sumiiffimmullunniit allamut suliarortitaappat. Sulilluni angalanermi isumannaarinnermi ilanngunneqarputtaa ineqarfiup suliffigigallakkallu akornanni ingerlanneqarnerit.

- 5) Pineqartup angerlarsimaffiannit aallaavilimmik pineqartoq suliamik ingerlataqarpat, nammineq pilersarusiamik pisisartorisat, sullitat imaluunniit niueqatigisat assigisaasalu akornanni ingerlanneqartariaqarnermik kingunilimmik.
- 6) Suliffimmut suliffimmiillu ingerlanneqartarnissaq suliffiup aaqqissuuppagu, matumani ilanngullugu suliffimmut takkuteqqaarani imaluunniit pisisartumukarnissaq siunertaralugu imaluunniit suliffiup nunaminertaata avataani biilimik qimataqarallarnissaq siunertaralugu suliffiup biilianik imaluunniit angallammik allamik suliffiup atugassiaanik ingerlassisoqarpat.
- 7) Sulisitsisoq taanna sinnerlugu suliffinni arlalinni pineqartoq sulianik arlalinnik ingerlataqarpat, matumani ilanngullugu angerlarsimaffimmi allamiluunniit ungasissumi sulianut massakkut ingerlatanut atatillugu aalaakkaasumik suliffiup kifartuunerani.

§ 4. Peqqussut manna atuutilerpoq, ulloq 1. januar 2011.

Beskæftigelsesministeriet, ulloq 21. december 2010

INGER STØJBERG

/ Tor Even Münter